

P.U. (A) 392.

AKTA INDUSTRI PERKHIDMATAN AIR 2006

KAEDAH-KAEDAH INDUSTRI PERKHIDMATAN AIR (PERMIT) (PINDAAN) 2021

PADA menjalankan kuasa yang diberikan oleh perenggan 180(g) Akta Industri Perkhidmatan Air 2006 [*Akta 655*], Suruhanjaya membuat kaedah-kaedah yang berikut:

Nama dan permulaan kuat kuasa

1. (1) Kaedah-kaedah ini bolehlah dinamakan **Kaedah-Kaedah Industri Perkhidmatan Air (Permit) (Pindaan) 2021**.
- (2) Kaedah-Kaedah ini mula berkuat kuasa pada 13 Oktober 2021.

Pindaan kaedah 2

2. Kaedah-Kaedah Industri Perkhidmatan Air (Permit) 2007 [*P.U. (A) 438/2007*], yang disebut “Kaedah-Kaedah ibu” dalam Kaedah-Kaedah ini, dipinda dalam kaedah 2 dengan memasukkan sebelum tafsiran “Lembaga” tafsiran yang berikut:

‘ “instrumen” termasuk garis panduan, arahan, penentuan, pekeliling atau standard;’.

Pindaan kaedah 3

3. Kaedah 3 Kaedah-Kaedah ibu dipinda—

(a) dalam subkaedah (1), dengan memasukkan selepas perenggan (a) perenggan yang berikut:

“(aa) suatu perniagaan yang berdaftar di Malaysia sebagai milikan tunggal atau perkongsian;”;

(b) dengan menggantikan subkaedah (2) dengan subkaedah yang berikut:

“(2) Mana-mana orang atau golongan orang yang memohon suatu permit IPA Jenis C di bawah perenggan 5(1)(c), (ca), (cb) dan (cc) hendaklah memegang perakuan pendaftaran yang diperlukan sebagai kontraktor berdaftar yang dikeluarkan oleh Lembaga yang dinyatakan oleh Suruhanjaya.”; dan

(c) dengan memasukkan selepas subkaedah (2) subkaedah yang berikut:

“(3) Walau apa pun subkaedah (1) dan (2), Suruhanjaya boleh mengenakan syarat lanjut yang berhubungan dengan kelayakan orang atau golongan orang yang memohon untuk suatu permit, yang difikirkannya patut, menurut apa-apa instrumen yang dikeluarkan oleh Suruhanjaya.”.

Penggantian kaedah 4

4. Kaedah-Kaedah ibu dipinda dengan menggantikan kaedah 4 dengan kaedah yang berikut:

“Permohonan untuk dan pengeluaran permit

4. (1) Permohonan untuk suatu permit hendaklah dibuat kepada Suruhanjaya dalam bentuk dan cara yang ditentukan oleh Suruhanjaya.

(2) Tiap-tiap permohonan di bawah subkaedah (1) hendaklah disertakan dengan fi yang dinyatakan dalam butiran 1 Jadual Kedua.

- (3) Pemohon bagi suatu permit hendaklah mengemukakan—
- (a) maklumat yang dikehendaki di bawah subkaedah (4); dan
 - (b) apa-apa maklumat atau dokumen lain sebagaimana yang dikehendaki oleh Suruhanjaya menurut apa-apa instrumen yang dikeluarkan oleh Suruhanjaya.
- (4) Permohonan untuk suatu permit hendaklah mengandungi maklumat yang berikut:
- (a) butir-butir pemohon;
 - (b) kategori kerja yang akan dikendalikan atau disediakan oleh pemohon;
 - (c) kelayakan pemohon;
 - (d) perakuan pendaftaran yang diperlukan sebagai kontraktor berdaftar yang dikeluarkan oleh Lembaga, jika diperlukan; dan
 - (e) apa-apa maklumat dan dokumen yang dikemukakan kepada Lembaga bagi maksud didaftarkan sebagai kontraktor atau kebenaran untuk mengakses apa-apa maklumat dan dokumen secara langsung daripada Lembaga.
- (5) Suruhanjaya boleh, selepas menimbangkan permohonan untuk suatu permit di bawah subkaedah (1), meluluskan atau menolak permohonan itu.
- (6) Jika permohonan untuk suatu permit diluluskan, permit hendaklah dikeluarkan tertakluk kepada syarat-syarat yang dikenakan oleh Suruhanjaya di bawah kaedah 7.
- (7) Jika permohonan untuk suatu permit ditolak, sebab bagi penolakan itu hendaklah diberikan kepada pemohon secara bertulis.”.

Kaedah baharu 4A dan 4B

5. Kaedah-Kaedah ibu dipinda dengan memasukkan selepas kaedah 4 kaedah yang berikut:

“Menolak untuk memproses permohonan permit

4A. Jika permohonan untuk suatu permit dikemukakan kepada Suruhanjaya tetapi tidak dibuat menurut Kaedah-Kaedah ini atau mana-mana instrumen lain yang dikeluarkan oleh Suruhanjaya, Suruhanjaya boleh menolak untuk memproses permohonan itu atau menghendaki supaya permohonan itu dipinda atau dilengkapkan dan dikemukakan semula atau supaya suatu permohonan baharu dikemukakan kepada Suruhanjaya.

Suruhanjaya boleh menolak permohonan permit dalam keadaan tertentu

4B. (1) Tanpa menjejaskan keluasan subkaedah 4(5), Suruhanjaya boleh menolak permohonan bagi suatu permit jika—

- (a) pemohon sedang disiasat oleh Suruhanjaya atau pihak berkuasa lain yang berkaitan yang berhubungan dengan—
 - (i) apa-apa kegagalan untuk mematuhi mana-mana peruntukan Akta, perundangan subsidiarinya atau apa-apa instrumen lain yang dikeluarkan oleh Suruhanjaya;
 - (ii) apa-apa kegagalan untuk mematuhi mana-mana undang-undang bertulis lain yang berkaitan, perundangan subsidiarinya atau apa-apa instrumen lain yang dikeluarkan di bawah undang-undang bertulis itu atau oleh pihak berkuasa yang berkaitan; atau
 - (iii) pendedahan apa-apa maklumat atau dokumen yang berhubungan dengan permit kepada pihak lain yang dia mengetahui atau mempunyai sebab untuk mempercayai adalah salah atau mengelirukan;
- (b) pemohon tertakluk kepada mana-mana prosiding mahkamah—
 - (i) yang berhubungan dengan keadaan dalam perenggan (1)(a);
 - (ii) untuk pelanggaran apa-apa syarat yang dikenakan ke atas permit oleh Suruhanjaya; atau
 - (iii) untuk apa-apa kerja yang dinyatakan dalam permit yang dijalankan oleh pemegang permit;
- (c) keputusan Suruhanjaya untuk menolak permohonan oleh pemohon bagi suatu permit hendaklah tertakluk kepada mana-mana prosiding mahkamah; atau
- (d) pemohon telah disabitkan atas kesalahan di bawah Akta atau perundangan subsidiarinya.

(2) Jika permohonan bagi suatu permit ditolak atas sebab dalam perenggan (1)(a), (b), (c) atau (d), pemohon tidak layak untuk memohon apa-apa permit melainkan jika Suruhanjaya berpuas hati bahawa—

- (a) siasatan di bawah perenggan (1)(a) telah dilengkapkan dan tiada prosiding mahkamah;
- (b) prosiding mahkamah di bawah perenggan (1)(b) dan (c) adalah muktamad dan konklusif; atau

- (c) prosiding mahkamah yang melibatkan pemohon di bawah perenggan (1)(d) adalah muktamad dan konklusif, dan pemohon telah menjalani hukuman bagi sabitan itu.”.

Pindaan kaedah 5

6. Kaedah 5 Kaedah-Kaedah ibu dipinda—

(a) dalam subkaedah (1)—

- (i) dengan menggantikan perenggan (a) dengan perenggan yang berikut:

“(a) suatu permit IPA Jenis A1 bagi menjalankan apa-apa pembinaan, penyambungan, pengubahsuaian atau pembaikan—

(i) seksyen paip air perkhidmatan selepas titik meter dan perpaipan dalaman;

(ii) perpaipan pemetungan dalaman individu atau perpaipan pemetungan dalaman bersama yang bersambung kepada suatu kebuk pemeriksaan atau tangki septik; atau

(iii) tangki septik;”;

- (ii) dengan memasukkan selepas perenggan (a) perenggan yang berikut:

“(aa) suatu permit IPA Jenis A2 bagi menjalankan apa-apa pembinaan, penyambungan, pengubahsuaian atau pembaikan sistem bekalan air yang dinyatakan di bawah permit IPA Jenis A1 dan paip penghubung;”;

- (iii) dengan menggantikan perenggan (b) dengan perenggan yang berikut:

“(b) suatu permit IPA Jenis B bagi menjalankan apa-apa pembinaan, pengubahsuaian, penyambungan atau pembaikan suatu perpaipan pemetungan dalaman individu atau suatu perpaipan pemetungan dalaman bersama daripada suatu kebuk pemeriksaan kepada suatu pemetung;”;

- (iv) dengan menggantikan perenggan (c) dengan perenggan yang berikut:

“(c) suatu permit IPA Jenis C1 bagi menjalankan apa-apa pembinaan, pemasangan atau pengubahsuaian kepada mana-mana bahagian suatu sistem bekalan

air atau sistem pembedungan yang tender atau suatu projek atau kerja yang diusahakan itu melebihi RM10,000,000.00;”;

(v) dengan memasukkan selepas perenggan (c) perenggan yang berikut:

“(ca) suatu permit IPA Jenis C2 bagi menjalankan apa-apa pembinaan, pemasangan atau pengubahsuaian kepada mana-mana bahagian suatu sistem bekalan air atau sistem pembedungan yang tender atau suatu projek atau kerja yang diusahakan itu melebihi RM3,000,000.00 tetapi tidak melebihi RM10,000,000.00;

(cb) suatu permit IPA Jenis C3 bagi menjalankan apa-apa pembinaan, pemasangan atau pengubahsuaian kepada mana-mana bahagian suatu sistem bekalan air atau sistem pembedungan yang tender atau suatu projek atau kerja yang diusahakan itu melebihi RM200,000.00 tetapi tidak melebihi RM3,000,000.00;

(cc) suatu permit IPA Jenis C4 bagi menjalankan apa-apa pembinaan, pemasangan atau pengubahsuaian kepada mana-mana bahagian suatu sistem bekalan air atau sistem pembedungan yang tender atau suatu projek atau kerja yang diusahakan itu tidak melebihi RM200,000.00;” dan

(vi) dalam perenggan (e)—

(A) dalam teks bahasa Inggeris, dengan memotong perkataan “sewerage”; dan

(B) dengan memasukkan selepas perkataan “perkhidmatan penyahenap cemar” perkataan “atau apa-apa perkhidmatan pembedungan yang lain”; dan

(b) dalam subkaedah (4), dengan menggantikan perkataan “borang yang ditetapkan dalam Jadual Ketiga” dengan perkataan “bentuk dan cara yang ditentukan oleh Suruhanjaya”.

Pindaan kaedah 6

7. Kaedah 6 Kaedah-Kaedah ibu dipinda dengan memasukkan selepas perkataan “Melainkan jika” perkataan “digantung atau”.

Pindaan kaedah 7

8. Kaedah 7 Kaedah-Kaedah ibu dipinda—

(a) dalam subkaedah (1)—

(i) dengan memasukkan selepas perenggan (h) perenggan yang berikut:

“(ha) pemegang permit hendaklah mematuhi undang-undang bertulis lain yang berhubungan dengan alam sekitar;” dan

(ii) dalam perenggan (j), dengan menggantikan perkataan “di bawah Akta” dengan perkataan “oleh Suruhanjaya atau yang dikeluarkan di bawah undang-undang bertulis lain atau oleh pihak berkuasa yang berkaitan”; dan

(b) dengan memasukkan selepas subkaedah (1) subkaedah yang berikut:

“(2) Pemegang permit yang gagal untuk mematuhi mana-mana peruntukan di bawah subkaedah (1), melakukan suatu kesalahan dan boleh, apabila disabitkan, didenda tidak melebihi tiga ratus ribu ringgit atau dipenjarakan selama tempoh tidak melebihi tiga tahun atau kedua-duanya.”.

Kaedah baharu 7A

9. Kaedah-Kaedah ibu dipinda dengan memasukkan selepas kaedah 7 kaedah yang berikut:

“Kuasa untuk menambah, mengubah atau membatalkan syarat

7A. (1) Suruhanjaya boleh, dalam tempoh sah sesuatu permit—

(a) mengenakan apa-apa syarat tambahan ke atas permit itu; atau

(b) mengubah atau membatalkan apa-apa syarat yang dikenakan ke atas permit itu.

(2) Sebelum Suruhanjaya membuat keputusan di bawah subkaedah (1), Suruhanjaya hendaklah memberikan pemegang permit itu—

(a) suatu notis bertulis mengenai niat Suruhanjaya berserta dengan suatu salinan draf mengenai pengenaan, perubahan atau pembatalan itu; dan

(b) suatu peluang untuk membuat penghujahan bertulis dalam tempoh yang dinyatakan dalam notis bertulis itu yang tidak kurang daripada empat belas hari dari tarikh notis itu diserahkan kepada pemegang permit.

(3) Selepas tamat tempoh yang dinyatakan dalam notis itu, Suruhanjaya hendaklah, selepas menimbangkan apa-apa penghujahan bertulis yang dibuat oleh pemegang permit itu, memutuskan sama ada untuk mengenakan syarat tambahan atau mengubah atau membatalkan mana-mana syarat sedia ada atau tidak mengambil tindakan lanjut, dan memberitahu pemegang permit itu secara bertulis mengenai keputusannya.

(4) Pemegang permit tidak berhak untuk mendapatkan apa-apa bentuk pampasan atau ganti rugi daripada Suruhanjaya atas pengenaan, perubahan atau pembatalan syarat menurut Kaedah-Kaedah ini.”.

Pemotongan kaedah 8

10. Kaedah-Kaedah ibu dipinda dengan memotong kaedah 8.

Pindaan kaedah 10

11. Kaedah 10 Kaedah-Kaedah ibu dipinda—

(a) dengan menggantikan nota bahu dengan nota bahu yang berikut:

“Pembatalan, penggantungan atau pemberhentian permit”;

(b) dengan menggantikan subkaedah (1) dengan subkaedah yang berikut:

“(1) Suruhanjaya boleh melalui notis bertulis membatalkan mana-mana permit yang dikeluarkan di bawah Kaedah-Kaedah ini atau menggantung permit itu bagi suatu tempoh yang difikirkannya patut jika—

(a) pemegang permit tidak mematuhi mana-mana syarat permit itu;

(b) pemegang permit tidak mematuhi mana-mana peruntukan Akta, perundangan subsidiarinya atau apa-apa instrumen lain yang dikeluarkan oleh Suruhanjaya;

(c) pemegang permit secara salah, tidak sah atau salah nyataan apa-apa fakta atau butir-butir untuk mendapatkan permit itu;

(d) pemegang permit telah disabitkan dengan kesalahan di bawah Akta atau perundangan subsidiarinya;

-
- (e) pemegang permit tidak mematuhi mana-mana undang-undang bertulis lain yang berkaitan, perundangan subsidiarinya atau apa-apa instrumen lain yang dikeluarkan di bawah undang-undang itu atau oleh pihak berkuasa berkaitan;
 - (f) pemegang permit mendedahkan apa-apa maklumat atau dokumen yang berhubungan dengan permit kepada mana-mana pihak lain yang dia mengetahui atau mempunyai sebab untuk mempercayai adalah salah atau mengelirukan;
 - (g) pemegang permit tidak mematuhi undang-undang bertulis lain yang berhubungan dengan alam sekitar; atau
 - (h) telah berlaku apa-apa tindakan atau keingkaran pada pihak pemegang permit atau terdapat perubahan dalam hal keadaan sehingga pemegang permit tidak lagi berhak untuk diberi permit di bawah Akta atau Kaedah-Kaedah ini.”;
- (c) dalam perenggan (2)(b), dengan menggantikan perkataan “tiga puluh hari” dengan perkataan “empat belas hari”;
- (d) dalam subkaedah (4), dengan memasukkan selepas perkataan “pampasan” perkataan “atau ganti rugi”; dan
- (e) dengan memasukkan selepas subkaedah (5) subkaedah yang berikut:
- “(6) Walau apa pun apa-apa jua peruntukan lain dalam Kaedah-Kaedah ini, suatu permit yang dikeluarkan di bawah Kaedah-Kaedah ini hendaklah menjadi tidak sah dalam hal keadaan yang berikut:
- (a) kematian pemegang permit;
 - (b) pemegang permit diisytiharkan sebagai bankrap;
 - (c) pemegang permit telah digulung;
 - (d) penerima atau pengurus, pelikuidasi sementara atau pegawai yang serupa telah dilantik mengenai keseluruhan atau sebahagian besar aset pemegang permit dan pelantikan tersebut tidak dibatalkan atau dirungkaikan dalam masa enam puluh hari dari tarikh pelantikan itu; atau
 - (e) pemegang permit tidak lagi menjalankan perniagaannya.
- (7) Mana-mana orang yang menjalankan apa-apa kerja di bawah seksyen 50 Akta dengan menggunakan suatu permit yang telah menjadi tidak sah menurut subkaedah (6), hendaklah disifatkan sebagai menjalankan kerja-kerja tanpa permit.”.

Pemotongan kaedah 11

12. Kaedah-Kaedah ibu dipinda dengan memotong kaedah 11.

Kaedah baharu 11A

13. Kaedah-Kaedah ibu dipinda dengan memasukkan selepas kaedah 11 kaedah yang berikut:

“Perubahan dalam butir-butir pemegang permit

11A. (1) Pemegang permit hendaklah memberitahu Suruhanjaya secara bertulis, dengan seberapa segera yang mungkin, tentang apa-apa perubahan dalam butir-butir pemegang permit dan pemberitahuan itu hendaklah disertai dengan fi yang dinyatakan dalam butiran 3 Jadual Kedua.

(2) Setelah menerima pemberitahuan dan fi, Suruhanjaya hendaklah meminda butir-butir pemegang permit itu dalam permitnya.”.

Pindaan kaedah 13

14. Subkaedah 13(1) Kaedah-Kaedah ibu dipinda dengan menggantikan perkataan “sebagaimana yang ditetapkan” dengan perkataan “sebagaimana yang dinyatakan”.

Kaedah baharu 15 dan 16

15. Kaedah-Kaedah ibu dipinda dengan memasukkan selepas kaedah 14 kaedah yang berikut:

“Sekatan oleh Suruhanjaya, dll.

15. (1) Suruhanjaya boleh, melalui notis bertulis, menyekat mana-mana orang daripada memohon atau diberikan suatu permit di bawah Kaedah-Kaedah ini bagi suatu tempoh tidak melebihi sepuluh tahun jika orang itu—

(a) telah disabitkan atas sesuatu kesalahan di bawah—

(i) Akta atau perundangan subsidiarinya; atau

(ii) undang-undang lain yang berkaitan atau perundangan subsidiarinya;

(b) memiliki permit yang dikeluarkan di bawah Kaedah-Kaedah ini tetapi telah digantung atau dibatalkan di bawah kaedah 10;

- (c) gagal untuk mematuhi apa-apa syarat permit di bawah Kaedah-Kaedah ini;
- (d) gagal untuk mematuhi mana-mana peruntukan Akta, perundangan subsidiarinya atau apa-apa instrumen lain yang dikeluarkan oleh Suruhanjaya; atau
- (e) gagal untuk mematuhi mana-mana undang-undang lain yang berkaitan, perundangan subsidiarinya atau apa-apa instrumen lain yang dikeluarkan oleh pihak berkuasa yang berkaitan.

(2) Walau apa pun subkaedah (1), Suruhanjaya boleh melanjutkan tempoh sekatan ke suatu tempoh yang ditentukan oleh Suruhanjaya berdasarkan keseriusan kesalahan di bawah perenggan (1)(a) atau kegagalan di bawah perenggan (1)(b), (c), (d) dan (e).

(3) Sebelum Suruhanjaya membuat keputusan di bawah subkaedah (1), Suruhanjaya hendaklah memberi orang itu—

- (a) suatu notis bertulis mengenai niat Suruhanjaya untuk menyekat orang itu daripada memohon atau diberikan permit di bawah Kaedah-Kaedah ini; dan
- (b) suatu peluang untuk membuat penghujahan bertulis dalam tempoh yang dinyatakan dalam notis bertulis itu yang tidak kurang dari empat belas hari dari tarikh notis itu diserahkan kepada orang itu.

(4) Selepas tamat tempoh yang dinyatakan dalam notis itu, Suruhanjaya hendaklah, selepas menimbangkan apa-apa penghujahan bertulis yang dibuat oleh orang itu, memutuskan sama ada untuk menyekat orang itu daripada memohon atau diberikan suatu permit di bawah Kaedah-Kaedah ini, dan memaklumkan kepada orang itu secara bertulis mengenai keputusannya.

(5) Pemegang permit tidak berhak kepada apa-apa bentuk pampasan atau ganti rugi daripada Suruhanjaya jika orang itu disekat daripada memohon atau diberikan permit di bawah Kaedah-Kaedah ini.

(6) Sekatan daripada memohon atau diberikan permit di bawah Kaedah-Kaedah ini hendaklah berkuat kuasa pada—

- (a) suatu tarikh yang dinyatakan oleh Suruhanjaya dalam notis bertulis yang diberikan di bawah subkaedah (4); atau
- (b) jika tiada tarikh yang dinyatakan dalam notis bertulis yang diberikan di bawah subkaedah (4), apabila habis tempoh empat belas hari dari tarikh notis itu disampaikan kepada orang itu.

Menyiarkan senarai permit yang dibatalkan atau digantung dan senarai orang yang disekat oleh Suruhanjaya

16. Suruhanjaya hendaklah mempunyai kuasa dan budi bicara untuk menyiarkan senarai nama orang yang perमितnya dibatalkan atau digantung menurut kaedah 10 dan disekat oleh Suruhanjaya menurut kaedah 15 dengan apa-apa cara dan kaedah yang ditentukan oleh Suruhanjaya.”.

Pemotongan Jadual Pertama

16. Kaedah-Kaedah ibu dipinda dengan memotong Jadual Pertama.

Penggantian Jadual Kedua

17. Kaedah-Kaedah ibu dipinda dengan menggantikan Jadual Kedua dengan Jadual yang berikut:

“JADUAL KEDUA

[subkaedah 4(2), 11A(1), 12(2) dan 13(1)]

Fi yang perlu dibayar berkenaan dengan permit

No.	Jenis Fi	Kategori Permit							
		IPA Jenis A (RM) bagi setiap negeri	IPA Jenis B (RM) bagi setiap negeri	IPA Jenis C (RM) bagi semua negeri	IPA Jenis D (RM) bagi setiap negeri	IPA Jenis E (RM) bagi setiap negeri			
1.	Fi pemprosesan permohonan permit	30	30	100	30	30			
2.	Fi permit	A1	80 setahun	300 setahun	C1	5,000 setahun	900 setahun	900 setahun	
					C2	2,000 setahun			
		A2			150 setahun	C3			750 setahun
						C4			200 setahun
3.	Perubahan butir-butir pemegang permit	50	50	50	50	50			
4.	Salinan diakui sah permit	10	10	10	10	10			

”.

Pemotongan Jadual Ketiga dan Jadual Keempat

18. Kaedah-Kaedah ibu dipinda dengan memotong Jadual Ketiga dan Jadual Keempat.

Dibuat 12 Oktober 2021

[KASA.BAP.(S).700-1/1/1 KLT. 2; PN(PU2)660/JLD. 15]

WAN HASSAN BIN MOHD RAMLI
Pengerusi Suruhanjaya Perkhidmatan Air Negara